

BOSNA I HERCEGOVINA  
FEDERACIJA BOSNE I HERCEGOVINE  
OPĆINA LUKAVAC  
OPĆINSKI NAČELNIK  
SLUŽBA ZA INVESTICIJE I  
POSLOVE MJESNIH ZAJEDNICA  
Broj: 03-04-3086/21  
Lukavac, 31.08.2021. godine

Na osnovu člana 64. stav (1). tačka a), člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) te Preporuke Komisije za provođenje postupka javne nabavke broj: 03-04-3086/21 od 30.08.2021. godine u otvorenom postupku javne nabavke usluga za izradu Studije izvodljivosti i energetskeg audita za instalaciju novih energetski efikasnih sistema javne rasvjete u općini Lukavac, Pomoćnik općinskog načelnika za Službu za investicije i poslove mjesnih zajednica d o n o s i

### **ODLUKU** **o izboru najpovoljnijeg ponuđača**

#### **Član 1.**

Prihvata se preporuka Komisije za provođenje postupka javne nabavke broj: 03-04-3086/21 od 30.08.2021. godine, te se Ugovor za javnu nabavku usluga za izradu Studije izvodljivosti i energetskeg audita za instalaciju novih energetski efikasnih sistema javne rasvjete u općini Lukavac dodjeljuje ponuđaču „**ENOVA**“ d.o.o Sarajevo, koji je dostavio ponudu broj: 1669/21 od 25.08.2021. godine, za ponuđenu cijenu u vrijednosti od 24.900,00 KM bez PDV-a kao najpovoljnijem ponuđaču.

#### **Član 2.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### **Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

### **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 03-02-3085/21 od 04.08.2021. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 35.000,00 KM.

Obavještenje o nabavci broj: 719-1-2-78-3-103/21 objavljeno je na Portalu javnih nabavki dana 05.08.2021. godine.

Komisija za provođenje postupka nabavke imenovana Rješenjem broj: 02-04-75-52/21 od 09.08.2021. godine dostavila je Zapisnik o pregledu i ocjeni ponuda broj: 03-04-3086/21 od 30.08.2021. godine, Preporuku o izboru najpovoljnijeg ponuđača broj: 03-04-3086/21 od 30.08.2021. godine i Izvještaj o radu broj: 03-04-3086/21 od 30.08.2021. godine.

Uvidom u Izvještaj o radu utvrđeno je da je Komisija za provođenje postupka nabavke izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene dvije blagovremene ponude, a da neblagovremenih ponuda nije bilo;

- da je ponuda ponuđača ENOVA d.o.o Sarajevo kvalifikovana i prihvatljiva, naime dostavljeni su svi traženi dokazi propisani tenderskom dokumentacijom, na propisan način i
- da je ponuda ponuđača ZAGREBINSPEKT d.o.o Mostar odbačena. Uvidom u Izvještaj o preuzimanju tenderske dokumentacije od strane ponuđača sa Portala javnih nabavki utvrđeno je da isti nije preuzeo tendersku dokumentaciju sa Portala javnih nabavki, zbog čega je ponuda primjenom tačke 2.3. tenderske dokumentacije odbačena.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u tendersku dokumentaciju utvrđeno je da procijenjena vrijednost nabavke bez uključenog PDV-a iznosi 35.000,00 KM i da je kriterij za dodijelu ugovora ekonomski najpovoljnija ponuda u skladu sa niže navedenim potkriterijima:

- a) Cijena ..... 98 %  
 b) Rok plaćanja ..... 2 %

Ponuđač „ENOVA“ d.o.o Sarajevo dostavio je prihvatljivu ponudu sa cijenom u iznosu od 24.900,00 KM bez PDV-a i rokom plaćanja 60 dana od dana prijema fakture, te je primjenom kriterija ekonomski najpovoljnije ponude isti osvojio 100,00 bodova i rangiran na prvo mjesto.

Zbog naprijed navedenog odlučeno je kao u članu 1. ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac-Služba za investicije i poslove mjesnih zajednica, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

**Dostaviti:**

1. ZAGREBINSPEKT d.o.o Mostar,
2. ENOVA d.o.o Sarajevo i
3. Arhivi-

PO OVLAŠTENJU OPĆINSKOG NAČELNIKA  
 POMOĆNIK OPĆINSKOG NAČELNIKA

(ovlaštenje broj 02-30-6245/20 od 21.12.2020.god.)

Emir Begić, dipl. ecc.

